

日本是大日如来密嚴花藏淨刹也四佛安四方天照大神處中心此海底印文皆在大龍之背也

真濟面授口傳云云

權現或云異國之神或見本住之神是神化無方也不可令凝滯以一察萬此謂也

走湯山緣起卷第五

延尋記

古走湯山緣起以屋代弘賢本校合了

管根山緣起并序

原夫扶桑之津湘江之西相州西富郡足柄有勝絕仙窟傑而為魁尔不称録其名尚矣諸天下佳山水者必有人以称鍾秀色濃故有客云久歷覽千山无勝彼秀峯天晴則山色擎劔而室利凝艷容湖平則水面磨鑑黎也降毒龍陰崖銘石波間點釭雨常帶陽臺暮雲長閑紫塞冬高岳莓苔封毘盧長印幽碕艸木說醫王遺蹤自地神以來漸記神德天子公主亦畧叙祖宗爰人皇第五孝照天皇盖代之始聖占仙人漸排駒形推扉而為神仙宮有人云泰山府君

以秀峰爲座神仙世祿長藏彼岳因名秦録山故孝  
安天皇獻壽于彼山 云 熟觀四境風致地跨伊駿  
相三州因分其域而良材立波心名目代木西汀名  
駿河津南岸号伊豆地東濱名相模津又云莅彼境  
業障懺悔故称懺悔津有釣魚之制又當坎有嶺真  
龍馬常遺其蹟嘶風之聲隔翠雲于咫尺夙聞穆王  
詣靈山斯地亦豈非遊歷之境曰四山牧馬不知經  
幾歲月耳次崇神天皇室祚之砌利行文人奏當山  
之聖域卽以天旨創建堂宇矣復乾有燒熟大岡欲  
使人厭離穢土現出淨刹之神通智力也左顧有富

士峯岫雪曝億劫面雲變須臾容削芙蓉琢水晶影  
落湖心則游魚鱗々或宿雪或戲雲復良有峰府君  
收諸寶名称寶藏岳左有並肩巔長生妙術之靈藥  
籠之或管或蓋故號蓋子塚岸脚有二池一名精進  
池鱗魚之衆類絕焉矣一名那都奈池又云兩上池  
水煙爲雲則洪雨充遍界矣復巽有山欲降惡鬼之  
毒風因號屏風岳左有嶠名室河津弥勒尊佛淨刹  
擬都率宮院次神功皇后討三韓後有武内大臣奏  
云奉請異朝大神而令祈願天下長安寧矣卽奉遷  
百濟明神于日州奉遷新羅明神于江州奉移高麗

大神和光于當州大磯聳峯因名高麗寺云云秦祿  
 山者異其名而同其跡次履中天皇時彼湖上有五  
 色細浪即生寶蓮花菩薩天人戲樂日經三七日次  
 安閑天皇時仙人飛來居山頂碧雲覆額頭紅霞擁  
 湖心波現青瑠璃日月星宿轉于其左右稱之名東  
 方淨琉璃世界次欽明天皇時高僧來登彼岳向仙  
 人云見巖山其形如梵篋豈非清涼世界曼殊室利  
 靈場乎箱是般若實相之根源故名箱根山曰初般  
 若寺次皇極天皇時玄利老人管當山而改般若寺  
 号東福寺次齊明天皇時玄利建一寺于彼嶋

有北面怪岩自是大悲尊容也曰名補陀洛迦山又  
 有人云本朝有過現未三峰金峰葛城志峰三岳也  
 次文武天皇時有行者優婆塞宿彼嶋蘭若而自室  
 河津巡行于志山之麓以當山峰自準富士峰以還  
 天下高僧无不拜覽矣同朝吉備大臣并玄昉僧正  
 奉天意又建一寺于靈嶋而名南勝寺同室河津卓  
 招提号西光寺矣又涉旬行基菩薩再興般若寺号  
 東福院復立一寺於嶋而名南勝院室河津称西光  
 院次聖武天皇神龜五年四月廿一日吉備大臣再  
 來登彼嶋復立一寺奉安措大悲尊像玄昉於室河

津造立弥勒尊佛次行基亦再至般若寺奉營造等  
 身文殊大士像而号東福寺又山壑津川之間有奇  
 偉七石七木名別希記之已上七々教豈不配切利四十  
 九院等品耶又前朝元正天皇癸亥年中洛邑有沙  
 弥智仁不知其氏生一男兒襁褓匍匐之際口嫌葷  
 腥膚辞錦綉父母大奇之弁李歲入釋門至滿北而  
 受具剃髮日課方廣經看閱一万卷故称万卷上人  
 巡行諸州靈崛于時高野天皇天平勝寶元年己丑  
 万卷詣常州鹿嶋靈社建神宮寺季經八秋而令住  
 持間一心所冀无他南无三世十方諸佛大士願以

大慈之智力示有緣佛土即有瑞夢次天平寶字丁酉  
 投錫于祿山練行脩史及三霜一夕有靈夢三輩各  
 告云我等斯山之舊主權實應化之垂跡也汝留令  
 脩練云云三容各異其自有比丘形左執如意寶珠  
 右掬獨鈷云我是為三世諸佛助出世化儀以汝心  
 清淨吾今現形矣又有宰官形手持白拂云當來導  
 師也汝因慇懃吾現此矣又有婦女形云我是聞思  
 修大士也汝以有上求下化悲願故我今來此矣三  
 容異口同音唱云池水清淨浮月影汝意清潔來三  
 体三身同共住此山結緣有情同利益万卷夢醒矣

卷之十五  
日數不幾彼靈瑞遠達天聰即為勅願造梵宮鑄靈  
廟以金玉而奉崇三容於一社靈廟各号箱根三所  
權現主賓有五尊駒形能善左之右之又曩時安閑  
天皇約靈夢使万卷造立丈六藥師像而号根本中  
堂昔日有神仙閱彼靈地而栽谷神妙藥自尔此来  
非醫王淨琉璃世界乎奇花異艸各良醫雖有其證  
人以未識耳矣岳是毘盧遮那如来全躰駒形應化  
之權扉也嶋是觀音大士并水仙虛步之幽栖也前  
岸有嶠弥勒薩埵靈場也諸峰之盤窟自室利之所  
居金色世界師子返擲怪岩也又能善者大行普賢

大士之垂跡白銀世界主曰為佗方權跡為彼土衆  
生垂慈不淺假自熊野山詣彼山挽而留之可謂尋  
靈山左右之舊盟矣或古佛或薩埵或神仙或肉身  
薩埵之靈場也或一運步於彼靈場輩各隨其所願  
而豈不成就乎為求无上正覺者曰為往古如来駒  
形加恣神力令蒙驗德矣為求无病息災者願醫王  
寶瓶而與如意良藥矣為祈大行願輩能善現威光  
令助其力矣為願吉祥如意者以歷劫不思議大願  
如臨清波月影應聲隨響而无不成其願矣為願當  
来三會法筵徒弥勒大士攜手而无不等其志矣為

真破愚魯蒙大願者室利以利劍剪破愚闇胸霧立  
令人發死漏大智伏以彼大士者統真俗二諦該推  
實二教或圓頂或五髮討其夔迹則南天竺梵德婆  
羅門一子名長男釋迦老子未成道之前爲七佛詳  
微旨專以俗諦應化然則聖占利行玄利万卷各四  
輩者真俗權實豈非大士變相乎佛未生則以俗諦  
爲衆生應化漸知有佛則以真諦令大智發解脫門  
猶降一級和法性靈光爲聖爲權爲真爲俗今以祿  
神所謂先佛方便之樞機衆生濟度之舟車也故僧  
俗甲乙遠近老少无不詣當壇往還又半欲絕焉西

汀有驛路毒龍凌浪挈雲人民多不免損害万卷臨  
彼深潭築石臺而令禱尔毒竜改形捧寶珠并錫杖  
水瓶乞欲受降即咒而繫之以鐵鎖号其木幹名梅  
檀訶羅木厥形九頭毒龍也所蟠湖水增風浪山脚  
長洋之臺石未磷巍然于波間于時嵯峨天皇弘仁  
七年<sub>丙申</sub>万卷聖代祈願之聲速達天聰即應參朝勅  
而半途至三州揚那郡冬十月廿四日暮齡九十七  
示寂徒弟拾遺骨而瘞本山遺祐侶三十有餘上足  
有經卷僧議而云憑誰可留跡於本山諸經并丈六  
藥師尊像擔之而各令行脚抵于豆州田方郡新居

鄉佛像經卷肯不扛因建一堂名桑原山新光寺稱  
其地号小箱根即於彼地温風頗如伏艸有占者云  
當坎大伽藍所崇也即奉返佛像于本山者漸宿霧  
悉晴民戶頗平安也同弘仁八年十月廿四日九五  
有奇夢万卷託云我是室利應化生緣既盡矣竟還  
本山濟度有情群類而長奉衛護寶祚帝夢即醒因  
有勅言令築灵壇於赤坂而駿豆相三品寄附祿山  
爲神費并万卷供献之具自孝謙天皇至嵯峨天帝  
七朝敬心不怠頃駒形神灵自酉尅以來令詣輩驚  
怖于時空海山人巡行次爲彼神掛珠数于神頭塞

五銛于神口而向坤自奉安置之以來数朝天帝各  
令渴仰一天民心无不肅詣宮殿樓臺恰如布金四  
十八間迴廊擇其材七百餘宇之坊舍輒其薨或折  
花供或摘椹献者日以賡夜次又慈覺巡行諸山之  
次建一堂始有常行三昧勤脩自仁壽元年八月十  
一日三七日之間脩念佛三昧以爲深艸天皇吊次  
院主職之興廢具不及錄矣凡所誌者淳和天皇天  
長年中實保僧仁明天皇兼和初惠命僧文德天皇  
齊衡年中榮善僧清和天皇貞觀比善如僧醍醐天  
皇昌泰初知最僧同延喜年中雲照僧同五年比叡

山惠空僧于時脩禪寺別當又自延喜十九年澄仁僧久住

當山勤苦勇猛也州郡貴賤或寄佛像呈經卷又建三所堂閣可謂中興有天之數南北廣小六里東西長百廿餘町次村上天皇天曆年中有天意以叡山之職務讓與平信僧預國宰任補座主職而後平信與叡海次花王院王子豐覺自七歲天性聰明也五大明王前後圍繞詣熊野山登金峰山巡行天下佳山受叡海讓任座主職而住祿山次一條院登祚刻平將門仲弟將廣嫡子安慶僧稟豐覺讓寬弘三年任錄山座主職窮大小乘法灯欵令照破衆生癡闇

矣次駿州富士郡有奇子時人不知其氏詣祿山積功累德歲經三秋碎骨剥皮而造營佛像書寫經卷鳥羽太上皇有叡感令彼上人參朝先奏祿山神威即就當州酒輪鄉四十八町以天旨令寄附當社上人委順後座主職次序四世的傳安慶澄實源良行實也行實自剛歲恭敬神庭拜覽佛場故長寬二季五月十六日造三間四面根本中堂令安指醫王像并三所靈壇能善駒形神殿同再興矣次安元二年四月十三日造三所前殿東西九間南北八間駕齋列簷之瓦翡翠擁扉之簾宮宇翼々然矣復壽永季



中源賴朝有瑞夢月旦肅詣神壇仍令文學於豆芻  
奈古谷建多聞堂一字而奉遷當山駒形神卽爲國  
家鎮護矣又往昔田村九奉東夷遠征之天旨先詣  
當社向山腹秀杉奉獻表矢次復源賴義奉追罰貞  
任宗任之宣旨先詣舊嘉例而向杉獻矢矣賴朝欲  
起義兵將拜當神壇而獻表矢于杉如古例累世仰  
神德則有武軍威力施仁惠則恣戰功餘勇信心仁  
惠相全而破凶器則如秋風敗芭蕉故諸將欲發義  
兵則先无不奉仰社稷之大神以茲治業四年賴朝  
相州早河庄豆州土倉鄉同依野鄉配三所神社而

爲祭祀地矣同年行實改座主職号別當翌年二月  
有拜堂義以次賴朝戰勲大願力壽永二年閏十二  
月廿三日營造東西三間迴廊次元曆二年四十八  
間悉造畢矣同季十二月廿九日駒形前殿匠功畢  
矣次三間中門一字令安置文六彩昼二王像次再  
與常行三昧堂同令安等身弥陀像次營建三間法  
花堂奉安釋迦三尊次鑄洪鐘建樓臺瑞籬紺殿悉  
賴朝悲願所及也次當國在廳武藏權守建三層素  
塔而卽以豆州山木鄉水田北町爲浮屠脩營料次  
奥州住侶藤原秀衡緬仰祿山神力而以銅奉鑄神

像故及武威於九夷外矣又源義經西征之日奉納  
利劍于玉扉名簿緣併施策略于天下動雄名于古  
今復賴朝為行實以有深期故令續踵於賴實故別  
當職位之班行与他不同其座專豆相州家人等可  
應祿山之命條自有證判各別帑載之復自為義義朝以還別當  
刺史之官更不預當社領旨有遺文別帑次復行實  
顧命永實賴實後改永實云累世雖易改莫違信心於當神  
必有德行可等神之半德當山者以万卷定規式撰  
衆徒百廿人而為供僧長日勤修別當率衆徒同參  
于窟堂專所祈君王獻壽高岳萬歲无疆更祈異武

將震威於四夷均功於九州次願万民抽丹誠志運  
一步于神庭者各々之靈神區々之衆望披胸霧而  
滌和光塵掬智水而滌煩惱垢立可成二世願力豈  
盍仰三所神德乎

建久二年七月廿五日

別當行實

南都興福寺住侶信救誌焉

右管根山緣起以增上寺貞譽大僧正奉書寫校了